



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

§. V. De Occurrentia, & Concurrentia Festorum semiduplicium.

**urn:nbn:de:hbz:466:1-39937**

mittit denique in secundis suis Vesperis etiam Commemorationem de Feria occurrente majore Adventus, et Quadragesimæ, non autem de illa Feria, seu majore seu minore, ut nec de Vigilia; quia enim harum omnium Officium jam integrè terminatur ad Nonam, non potest cum istarum Officij concurrere in secundis suis Vesperis. Excipitur tamen Vigilia Epiphaniæ, de qua, habente Ruum semiduplicem, fit Commemoratio in secundis Vesperis Of-

ficij præcedentis, sed ante Commemorationem de S. Telesphoro, ut ibi.

In Laudibus & Missa admittit Festum duplex minus Commemorationem de quacunque Dominica occurrente per annum, item de quacunque die infra Octav. nec non de quacunque Feria majore, Vigilia, ac Festo simplici, si die, quò fit de Festo duplici minore, occurrant, ut constat ex suprâ dictis de Occurrentia & Concurrentia Festorum duplicium minorum. Nunc sit

§. V.

De Occurrentia, & Concurrentia Festorum semiduplicium.

ESTA SEMIDUPLICIA sunt ea, quibus in Calendario, vel Proprio Sanctorum vox semiduplex apponitur, & interdum in aliquibus Locis ex Concessione Summi Pontificis etiam Festa illorum Sanctorum, de quibus Reliquiæ non indignes habentur. Distinguuntur Festa semiduplicia à duplicibus 1. quòd in posterioribus Antiphonæ in Matutino, Laudibus, & Vesperis duplicentur, hoc est, ante & post Psalm: ac Cantica integrè dicantur, non item in prioribus. 2. Quòd in Duplicibus Commemorationes Communes, seu Stragalia Communia non dicantur, di-

cantur autem in Festis semiduplicibus, nisi hæc occurrant infra aliquam Octavam, aut veniant infra illud Tempus, quod est ab Adventu usque ad Octavam Epiphaniæ inclusivè; vel illud, quod est à Vesperis Sabbati ante Dominicam Passionis usque ad Feriam II. post Octavam Pentecostes. 3. Quòd in duplicibus nullæ dicantur Preces Dominicales ad Primam, & Completorium, dicantur autem in semiduplicibus, nisi hæc veniant infra aliquam Octavam. A simplicibus verò Festis distinguuntur Festa semiduplicia, quòd ista novem Lectiones, tres Nocturnos, & primas ac secundas Ve-

¶ Pars III. ¶

¶ F ¶

spe

speras de jure ac per se loquendo exigant (extra calus scilicet supra exceptos, & infra excipiendos) non autem simplicia.

De occurrentia Festorum  
semiduplicium.

1. **S**I Festum semiduplex incidat in diem, quod simul occurrit quæcunque Dominica ( seu major, seu minor per annum ) vel quæcunque Festum duplex, tunc Officium & Missa dicuntur die illo de Dominica; aut Festo duplici occurrente; Festum autem semiduplex tunc transfertur in diem aliam proximam non impeditam: Dies autem impedita est
  1. omnis dies privilegiata, id est habens jus ad aliud Festum, licet dignius, excludendum: cujusmodi sunt v. g. dies Cinerum; Vigilia Nativitatis Domini; Vigilia Pentecostes, & Ferie omnes majoris hebdomadae &c.
  2. Dominicae omnes suo Tempore, ac Ritu semiduplici celebratae; Nam quæ interdum anticipantur, ac Ritu tantum simplici celebrantur, cedunt Festis semiduplicibus, etiam translatis, excepta Dominica II. post Epiphaniam in casu, quod Septuagesima immediatè venit post Octavam Epiphaniae, Sabbatum autem primum post Octavam Epiphaniae est impeditum Festo 9. Lectionum; tunc enim, ut ibi dictum P. I. Tit. 4. à f. 10. cedit ei Festum semiduplex S. Hilarij, aut aliud sequens.
  3. omnia Festa duplicia, &

semiduplicia. Dico: Festa; nam quæ infra Octavam propriè non sunt Festa, prout nomen Festi hic sumitur, sed tantum Continuatio Festi, nec tunc dies impedita ( loquendo de Octava non privileg. ) nisi respectu Festi semiduplicis ad plures, quam unum diem translatis: si enim infra Octavam aliquam non privilegiatam occurrit Festum semiduplex, & ea dies impedita ( ob occurrentem v. g. Dominicam, aut ob Festum aliud occurrens mobile, v. g. Ascensionis Domini, aut ob Festi mobilis, v. g. Corporis Christi, occurrens Dominicam infra Octavam ) tunc, ob Rationem alibi allatas, sequenti die celebrari debet, si aliud Festum 9. Lectionum in eadem non incidat, aut ob brandum occurat; quod si non proxime sequens dies Festi 9. Lectionum si impedita, transfertur in diem aliam proximam non impeditam, imò ultra omne Officium 9. Lectionum, si fortè Octavam illam proximè seu immediatè sequatur alia Octava, v. g. Octava S. Joannis Baptistæ, & Octava S. Pauli Octavam Corporis Christi, & hanc Festam novè Lectionum: ( inquit Gav. Tom. 2. sect. 3. n. 4. ) amissò jure Viciniorum ad propriam diem, non est impedita Ratio, cur citius celebreretur.

2. Si Festum semiduplex incidat in diem infra Octavam non privilegiatam, seu 4. Classis, h. e. Taber-

in qua fit de Festis occurrentibus, fit de festo Officium & Missa; de die infra Octavam autem fit utrobique his locis Commemoratio. Dixi: infra Octavam non privilegiatam: nam Festum semiduplex occurrens infra Octavam Pascha & Pentecostes (quae amantur sunt Octavae, 1. Classis) transferuntur in diem proximam non impediam post Octavam. Idem est de festo semiduplici occurrente infra Octavam Epiphania, & infra Octavam Sr. Corporis Christi, quarum prior est Octava 2. Classis, posterior autem Octava 3. Classis; nam & utraque haec pariter excludit Festum semiduplex infra illas occurrens. Quod Festum semiduplex occurrat in Dominica infra Octavam non privilegiatam, h. e. admittentem semiduplex Festum, hoc istud juxta superius dicta, accedens inferius §. 13. in Corollarijs de Translat. Festerum referendò, transferuntur in sequentem Feriam II. Quod si haec sit impedita, transferuntur ultra totam Octavam. Idem est, si Festum alia infra Octavam occurrat Festum semiduplex, & illa sit Festo aliò digniore impedita; tunc enim Festum semiduplex juxta ibidem dicta transferuntur pariter in proximè sequentem diem, aut, si etiam haec sit impedita, post totam Octavam, in diem ultra omne Officium subsequens Lctionum. Quodocunque autem Festum semiduplex (in Dominica infra Octavam non privilegiatam, aut

][T 2][

die infra talem Octavam alià impedita occurrens) non potest die immediate subsequente celebrari, tunc in ejus Repositione observandus est ordo in Rubricis Tit. X. de Translat. n. 7. praescriptus, ita, ut prius reponatur ac celebretur caeteris paribus id, quod prius occurrerat, seu translatum fuit. Vide, quae dixi P. I. Tit. de Festo Ascensionis Domini; & P. H. die 26. Junij f. 189. nec non Francisc. Monacelli P. II. form. pract. Tit. 13. à n. 21. fol. 67.

3. Si Festum semiduplex, incidat in diem, quò simul occurrat dies Octava alicujus Festi, Officium, & Missa, fit de die Octava, translato Festo semiduplici in diem proximam non impeditam, qualis non est dies infra aliam Octavam immediate subsequens, si nullum in ea Festum 9. Lctionum occurrat, juxta dicta P. I. Tit. de Festo Ascensionis &c. f. 165.

4. Si Festum semiduplex incidat in diem, quò simul occurrat aliud Festum semiduplex, Officium, & Missa dicuntur eo die de digniore, seu solemniori, translato eò, quod est minoris solemnitatis, uti habet Rubr. Gen. X. de Translatione n. 6. solemnus autem & dignius eò loco juxta P. Lohner censetur id, quod in Litanijs majoribus ordine praecedit, exceptis Festis Sanctorum Veteris Testamenti à S. Joanne Baptista distinctorum; hunc enim solùm ex Veteris Testamenti Sanctis ex spe-

cia-

ali privilegio Ss. Apostolis censet  
preferendum.

Quòd si *Festum semiduplex* in-  
cidat in *Dominicam per annum*, eam-  
que talem, quã nullã simul currit  
*Octava*, observanda est ad literam  
Rubricæ de *Translat. Festor.* pars 1.  
numeri 5. adeoque transferendum  
in primam diem Festò 9. Lectio-  
num non impediam juxta inferius  
dicenda in *Corollaris de Occurrentia*,  
& *Concurrentia Festor.* ac dicta supe-  
riùs *Tit. de Octavis.*

5. Si eodem die occurrat *Festum*  
*semiduplex*, & simul *Festum simplex*, Of-  
ficium ac *Missæ* dicuntur de *semiduplex*,  
de *simplici* autem fit tam in *Missæ*, quàm  
in *Officio* ( h. e. *I. Vesp. & Laudib.* ) *Com-*  
*muni.* diciturque de eodem quoque  
nona *Lectio*, si *propriam* habeat, fa-  
ciendo ex duabus unam, si duas  
habeat; si autem *propriam* non ha-  
beat, sed tantùm aliquam de *Com-*  
*muni* ( qualem v. g. habet *S. Valenti-*  
*nus M. & S. Petronilla V.* ) tunc nona *Le-*  
*ctio* non dicitur de *Festo simplici* in  
*Festo* occurrente 9. *Lectio*num, sed  
fit de eo tunc solummodo *Comme-*  
*moratio* suis locis in *Officio*, & *Missæ*.  
Dixi : in *Festo 9. Lectio*num ;  
nam si officium non fiat de *Festo 9.*  
*Lectio*num ( seu *occurrente*, seu *trans-*  
*lato* ) sed de ipso *simplici*, tunc *Le-*  
*ctio* illi assignata de *Communi* dicitur  
3. loco in *Officio*, quod fit de  
*Festo simplici*, seu 3. *Lectio*num, ut a-  
lio nomine vocatur in *Rubricis.*

6. Si *Festum semiduplex* in-  
cidat aliquando, aut transferatur  
alicubi in diem, quò alioquin in  
*Ecclesia universali* fit de *S. Matthei*  
in *Sabbato*, aut de *Feria minore*, Of-  
ficium ac *Missæ* dicuntur de *Festo*  
*semiduplexi*, & nihil fit ibi de *S. Ma-*  
*ria in Sabbato*, aut *Feria minore*.

7. Si *Festum semiduplex* oc-  
currat in *Feria* aliqua *majori*, & in-  
sta non fit una ex *diebus privilegia-*  
*tis* contra quodcunque *Festum*  
*Lectio*num ( quales sunt *Feria in*  
*Cinereum*, & *Feria omnes majori* *Heb-*  
*domada*, item *Vigilia Nativitatis Domini*  
& *Pentecostes* ) *Officium* & *Missæ*  
dicuntur de *Festo*, cum *Comme-*  
*moratio* *Feria majoris* occurrentis in  
*Officio*, & *Missæ*, & siquidem habeat  
*proprium Evangelium* ( uti habent  
omnes & solæ *Feria Quadragesima*  
usque ad *Feriam III. majori Hebdomada*  
exclusivè, item *Feria omnes quatuor*  
*Temporum*, & *Feria II. Rogationum* )  
dicitur in *Officio* *Festi* in  
eadem *Feria* *majori* 9. *Lectio*, &  
in *Missis privatis* ultimum *Evange-*  
*lium*, nisi aliter noceat : *Missæ* tunc  
sunt *Conventuales* tunc *ordinarie*  
sunt, prout præscribit *Rubric. Ge-*  
*neral. III. Missal. in. 1.* & dicitur  
suo loco. Quòd si verò *Festum*  
*semiduplex* occurrat in *Feria* *majori*  
*privilegiata*, nempe vel *Feria IV. Can-*  
*onicorum*, vel *Feria quacunque majori* *Heb-*  
*domada*, transfertur id in diem illum  
non impediam,

8. Si Festum semiduplex, & Vigilia simul occurrant, tunc, si Vigilia illa sit vel Vigilia Nativitatis, vel Epiphania Domini, vel Pentecostes, nihil fit die illo de Festo semiduplice occurrente, sed transferendum est in diem aliam non impeditam; verò Festum semiduplex occurrat in quacunque alia Vigilia, Officium de Missa ordinantur respectivè ut supra §. 2. n. 12. in Occurrentia Festi duplicis 2. Classis, ac Vigiliae &c. Addendum tamen hic, quòd si in Vigiliam incidat Festum semiduplex, tunc in Missis privatis Oratio 2. sit de Vigilia 3. A cunctis, non autem Concede, quae alioqui ( si nempe Officium 9. Lektionum non occurrat ) loco, 3. autem Ecclesia, vel pro Papa in Vigilia dici solet. Colligitur id ex Rubrica Missalis extante ad diem 19. Septembris post Missam eius diei : nam ibi Commemoratio (sola) Vigilia non exigit orationem Concede, sed A cunctis : Idem ibidem alim adhuc clariùs die 20. Septembris habebatur, quando nempe S. Eustachius etiamnum erat Festum semiduplex; nam ( uti videre est in Missalibus paulò antiquioribus ) Oratio 2. tunc in Missa Festi erat de Vigilia. 3. autem A cunctis. Secùs est, si Festum semiduplex celebretur infra aliquam Octavam : tunc enim Oratio 2. est de Octava. 3. Concede, non autem A cunctis. Quid autem porro sit observandum, quando Fe-

stum semiduplex incidit in Vigiliam, vide infra de occurrentia Vigilia.

De Concurrentia Festorum semiduplicium.

1. IN Primis seu pridianis Vesperis fit de sequenti Festo semiduplici duntaxat Commemoratio, si pridie illius factum fuerit de quocunque antecedente Festo duplici, aut de quacunque Dominica antecedente, aut de die Octava iridem antecedente : adeoque in omnibus his tribus Casibus I. Vesperae integræ dicuntur de Præcedenti, cum Commemoratione de sequenti.

2. Si Festum semiduplex antecedens in Vesperis concurrat cum alio Festo semiduplici subsequente, tunc dividunt Vesperas, adeoque usque ad Capitulum dicuntur de Præcedente, à Capitulo verò de sequente, cum Commemoratione Præcedentis. In Festo tamen S. Thomae Cantuariensis Vesperae eò modò sunt dicendae, quem præscribit ibi Rubrica propria ante ejus Festum.

3. Si dies infra Octavam non privilegiatam, de qua factum fuit Officium, in Vesperis concurrat cum sequenti Festo semiduplici, tunc pariter dividunt Vesperas, dicunturque proin hæc pridie Festi semidupli-



ois tantum usque ad Capitulum de *Præcedente*, nempe de *Octava* (etiam *Ascensionis*) à Capitulo verò de sequente *Festo semiduplici*, cum Commemoratione *Octavæ*.

4. *Festum semiduplex* in primis suis *Vesperis* (sive eæ integræ dicantur de ipso, sive tantum à Capitulo) admittit Commemorationem de sequenti *Festo simplici*, eòdem, quò *Festum semid.* celebratur, die occurrente.

5. Si *Dominica* in 2. suis *Vesperis* concurrat cum sequenti die *infra Octavam*, non excludentem celebrationem *Festi semiduplicis*, & simul cum *Festo semiduplici subsequente*, tunc *Vesperæ* integræ dicuntur de *Dominica*, cum Commemoratione prima de *Festo semidupl.* & postea primum de die *infra Octavam*.

Ad *Vesperas secundas Festi semiduplicis* quòd attinet, si illud concurrat cum sequenti *Festo duplici* 1. vel 2. *Classis*, nihil fit de *Festo semiduplici*, sed integræ dicuntur de sequenti, absque Commemoratione *præcedentis*.

2. Si *Festum semiduplex* in II. *Vesperis* concurrat duntaxat cum *Festo duplici majore*, vel *minore per annum* subsequente, *Vesperæ* integræ dicuntur de sequenti (extra *Octavam Nativitatis Domini*) cum Commemoratione de *Festo semiduplici præcedente*, cui tamen Commemorationi præmittitur Commemoratio

de sequente *Dominica per annum* (si quæ cras simul occurrat) ei autem ponitur Commemoratio de die occurrente *infra Octavam*, & harum utriusque Commemoratio de *Festo simplici*, si quòd cras occurrat. Quomodo autem dicendæ sint *Vesperæ* primæ & postriedie *Festi S. Thomæ Cantuariensis*, si illud veniens in *Dominica* transferatur in *Feriam II.* seu *diem 30. Decembr.* habetur in propria Rubrica, ejusdem *Festo* præfixa.

3. Si *Festum semiduplex* in secundis *Vesperis* concurrat cum sequente *Dominica* (seu *majori*, seu *minore per annum*) regulariter dividuntur *Vesperas*, dicunturque proinde usque ad Capitulum de *Præcedente*, à Capitulo autem de *sequente*, cum Commemoratione de *Præcedente*. Dixi tamen regulariter; quomodo enim dicendæ sint *Vesperæ secundæ* in *Festo S. Thomæ Cantuariensis*, quando id non venit in *Dominica*, & dies immediatè illud sequens non est *Sabbatum*, declaratur in propria Rubrica *Dominicæ infra Octavam Nativitatis* immediatè præfixa in *Breviar.*

4. Si *Festum semiduplex* in secundis *Vesperis* concurrat cum alio *Festo semiduplici* subsequente, dividuntur *Vesperas*, adeoque usque ad Capitulum dicuntur de *præcedente*, à Capitulo verò de sequente, cum Commemoratione *Præcedentis*. Idem est, si *Feria VI.* occurrat.

ur Festum semiduplex, & Sabbatho subsequente fiat de B. V. Ritu semiduplex, v. g. ab habente privilegium Sabbathis non impeditis Officiis aliis propriis dicendi Officium de Conceptione Immaculata B. V. M. à Sac. Rit. Congregatione approbatum & concessum: nam etiam in tali casu Vesperæ illius Feriæ VI. usque ad Capitulum dicuntur de Festo semiduplexi procedente, & tantum à Capitulo de Officio Sabbathi subsequente, non obstante quòd illud sit de B. V. eò quòd (ut notat Pisanus ad Tit. 8. Rubr. Gener. n. 1.) Officium illius Sabbathi, non sit Festum sed tantummodo aliqua Commemoratio B. M. Hymnus tamen Completorii terminabitur tunc Versu: *JESU tibi sit gloria, qui natus es &c.* Idem est de habente privilegium seu Indultum dicendi Officium & Missam de Venerabil. Sacramento Ferijs quinq; per annum non impeditis Officiis 9. Lectionum, aut aliò exceptò non impeditis.

5. Si Festum semiduplex in secundis Vesperis concurrat cum die infra Octavam, regulariter loquendo pariter dividunt Vesperas, dicunturque hæ proin, nisi aliter notetur, usque ad Capitulum de præcedente, à Capitulo verò de sequente, cum Commemoratione Præcedentis. Dixi autem: regulariter loquendo, & nisi aliter noetur. Ex-

cipitur enim 1. Festum Ss. Joannis & Pauli MM. in quò secundæ Vesperæ integræ dicuntur de Ss. Joanne & Paulo, de die autem infra Octavam S. Joannis Baptista fit in ijs duntaxat Commemoratio, uti habetur in propria Rubrica, non obstante, quòd Festum S. Joannis & Pauli sit tantum Festum semiduplex in Ecclesia universalis.

Excipitur 2. Festum S. Thomæ Cantuariensis, quando id incidit in Feriam VI. tunc enim in secundis Vesperis S. Thomæ Cantuariensis omnia dicuntur, sicut in 2. Vesperis diei Nativitatis Domini (nisi quòd Antiphonæ non duplicentur) & post Orationem currentis Octavæ Nativitatis Domini fit Commemoratio S. Thomæ Cantuariensis: deinde S. Stephani, & aliarum Octavarum, uti in Rubrica extante post Dominicam infra Octavam Nativitatis.

6. Si Festum semiduplex in 2. Vesperis concurrat cum die Octavæ, Vesperæ integræ dicuntur de die Octavæ, de Festo autem semiduplexi fit tantum Commemoratio, nisi die Octavæ, in crastinum subsequente, simul occurrat Festum duplex 1. aut 2. Classis; tunc enim Vesperæ juxta post dicenda integræ dicuntur de Festo ejusmodi 1. vel 2. Classis, de die Octavæ, autem (excepta die Octavæ Epiphania, quæ perinde, ac dies Octavæ Nativitatis Domini, nulli cedit Festo) fit tantum Commemoratio; de Festo verò semiduplexi

præ-



precedente ne quidem sit Commemoratio in casu, in quo in subsequente diem Octavam, admittentem de se alioqui Festum duplex, incidit Festum 1. vel 2. Classis. Quod si in diem Octavam subsequente incidat simul aliqua Dominica ( seu major seu minor ) sit etiam de illa Commemoratio, & quidem ante Commemorationem de Festo semiduplici precedente. Quod si Commemoratio Festi semiduplici precedentis per Festum duplex 1. aut 2. Classis, cras unà cum die Octava occurrens, excludatur, adhuc fieri debet ( post Commemorationem de die Octava ) in hodiernis Vesperis de crastina Dominica Commemoratio.

Quod si Festum semiduplex occurrat in Sabbato ante Dominicam privilegiatam, quæ est simul dies Octava Festi habentis Octavam, tunc in Vesperis illius Sabbati Antiphonæ & Psalmi erunt de Festo semiduplici, Capitulum verò & reliqua de Dominicâ privilegiatâ, post cujus Orationem fiet prima Commemoratio de Festo semiduplici, & postea secunda de die Octava, utpote quæ in toto suo Officio nihil eò annò habet, nisi meram Commemorationem ( ut alibi dictum ) adeoque dari potest casus, ut notat Gav. To. 2. s. 3. c. 8. n. 22. ) in quo dies Octava, quæ est duplex, cedat in concursu Festo semiduplici, quod habuit dimidium Vesperar.

7. Si Festum semiduplex in Vesperis concurrat cum sequenti Festo simplici, Vesperæ integre dicuntur de precedente, cum Commemoratione subsequentis.

8. Si Festum semiduplex in Vesperis concurrat cum B. Maria in Sabbato, Vesperæ pariter integre dicuntur de Festo semiduplici, de Officio autem cras dicendo de S. Maria in Sabbato sit Commemoratio, ut illi, & quidem ante Commemorationem de Festo simplici, si in Sabbato, in quo fit de S. Maria in Sabbato, simul incidat Festum simplex. Tamen etiam in casu, quò Feria VI. precedente occurrit Festum 9. Lectio quod non est 1. Classis, in eius Vesperis fiat de S. Maria in Sabbato, tunc taxat Commemoratio, adhuc tamen Hymnus Completorii ( nomen Hymnus Completorii illarum Vesperarum, etiam in casu, quò fuerit ejusdem meriti cum Hymno Completorii ) terminandus est per Clavulam : JESU tibi gratias agimus natus es &c.

Pari modo ( ut ex Gav. To. 2. s. 5. c. 6. n. 15. etiam alibi annotavimus ) in Officio semiduplici de B. V. quod à Regularibus observatur ex Privilegio sit per annum in Sabbato, v. g. de Conceptione, Immacul. B. M. V. juxta Formam à Sac. Rit. Congregatione approbatam, si in primis Vesperis non dicatur saltem Capitulum de B. V. God in

fiat solum Commemoratio de illius, tunc quidem in Hymno Completorij dicitur in fine : *JESU tibi sit gloria, qui natus es &c.*, non item in Hymno Vesperarum, esto sit ejusdem metri cum Hymno Completorij, ubi gratia in casu, quò integræ Vesperæ pridie ejusmodi Officij dictæ fuerunt de Festo duplici occurrentis, at verò de B. V. in ijs facta fuerit tantum Commemoratio : nam tuac per Verba : *JESU tibi sit &c.* terminatur eodem Hymnus Completorij, non tamen Hymn. illarum primar. Vesperarum, si sit ejusdem metri cum Hymno Completorij. Si autem in secundis Vesperis ejusmodi Officij fiat de B. V. etiam solummodo Commemoratio ( ob subsequens v. g. Festum duplex ) Hymni omnes usque ad Completorium inclusivè concludendi sunt per Verba : *JESU tibi sit gloria &c.*, etiam Hymnus illarum II. Vesperarum, si sit ejusdem metri cum Hymno Completorij. Quòd si demum in primis Vesperis saltem Capitulum dicatur de B. V. tunc non modo Hymnus Completorij, sed etiam illarum Vesperarum ( si sit ejusdem metri cum Hymno Completorij ) terminatur per verba : *JESU tibi sit gloria &c.* uti Teste Gav. loc. cit. habetur in Libello Officiorum PP. Discalceatorum, à Sac. Rit. Congregation. approbatò, & Romæ impreso. Si verò nulla fiat in Vesperis Commemoratio de B.

V. ( uti contingit in casu, quò v. g. postridie Visitationis, aut Præsentationis B. V. occurrit duplex 1. Classis ) nec etiam de currente aliqua ejus Octava, tunc nec in Completorio, nec etiam in Vesperis variatur finis Hymni. Atque hæc eadem servanda sunt quoque juxta Gavantum loc. cit. & Arnaud Tr. 2. P. 1. Tit. 15. in Officio semiduplici de SS. Sacramento in Ferijs quintis ( nullò Festo 9. Lectionum, seu occurrente, seu translato, nec etiam aliter impeditis ) à quibusdam Regularibus, aut etiam alijs per Sedis Apostolicæ Privilegium, aut Indultum recitari solito. Addidi autem paulò antè : *nec etiam de currente aliqua ejus Octava;* nam ( uti Gav. l. 5. c. 6. cit. n. 14. observat ) Conclusio Hymnorum semper fit vel ratione Temporis, vel ratione Octavae, quamvis in Officio nulla fiat de Tempore, vel de Octava Commemoratio, ea ratione, quà dicitur in Missa Præfatio de Tempore, aut de Octava in Festo, quod propriam Præfationem non habet, etiam tunc, quando in Missa non fit Commemoratio de Octava non privilegiata : pari ergo ratione si infra Octavam B. V. fiat de aliquo Festo sine Commemoratione illius Octavae, adhuc Hymni illius alterius Festi terminandi erunt per Verba : *JESU tibi sit gloria, qui natus es &c.*

In Laudibus & Missa admittit

¶ Pars III. ¶

¶ U ¶

351

tit *Festum semiduplex* Commemorationem de die *infra Octavam non privilegiam* occurrente, item de *quacunque Feria majore*, præterea de *Vigilia*, ac denique de *Festo simplici*, si die, quò fit de *Festo semiduplex*, occurrat, uti constat ex *suprà dictis* de Oc-

currentia *Festorum semiduplexium* in hujusmodi diebus: observanda tamen simul erunt ea respectivè, quæ quoad *Missas Conventuales* præscribit *Rubrica General.* 3. *Missæ* 1. & 2.

## §. VI.

### De Occurrentia, & Concurrentia tum dierum infra Octavam, tum etiam ipsarum dierum Octavarum.

**Q**uid sit observandum, & quomodo ordinandum sit *Officium*, & *Missæ*, si eodem die, quò occurrit *dies infra Octavam*, aut ipsa *dies Octava*, occurrat simul quocumque *Festum*, seu *novem*, seu *trium Lctionum*, aut *dies Octava*, vel *dies infra Octavam* alterius *Festi*, vel denique *Feria major*, vel *Vigilia*, non modò fusè & accuratè declaratum invenies, *suprà Tit. 4. De Octavis Festorum*, sed etiam ex *dictis*, & dicendis hoc *Titulo* facile licebit colligere.

Idem est de *Concurrentia tum dierum infra Octavam*, quam etiam ipsarum dierum *Octavarum* 1. & 2. *Vesperis* cum *Officiis dierum*, ac *Festorum*; quæ *patet* *titulò eòdem* *facis* *superque* *explicata* *reperies*; sed & ex *ijs*, quæ *hòc* *titulò* *Paragraphis* *quinque* *præcedentibus* *hucusque* *dicta* *sunt*, ac *però* *in* *quatuor* *mox* *sequentibus* *dicentur*, ut *cunq*ue *sufficiens* *colligi* *poterunt*. Sic *igitur*

